

Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De Domini in carne aduentu, quis & quas ob res extiterit. Capvt XI.

urn:nbn:de:hbz:466:1-29861

bilis blasphemia (quæ mendaciis efferti, rumoribus & acclamationibus niti soles) tu inquam iuuenes in fraudem illicis, adolescentulos & viros, qui moribus paulò ruidoribus prædicti sunt, blanda persuasione delinis, eosque à veri Dei religione abducis, & statuas effingis, construisqué, quibus preces & venerationem impertiant: vt ita per fallaciam decepti, sui ipsorum inficiæ mercedem recipiant: Christum enim Deum, Deique filium, omnium bonorum authorem in crimen vocare non dubitant. An non à modestissimis prudentissimisque gentibus ac populis hic Deus merito colitur, qui omnem vim, virtutemque asscutus, inq[ue] suo ac proprio voluntatis proposito perseverans, nihil de clementia sibi infita imminuerit? Discedite ergo impii, (libera enim vobis facultas est, vos ipsos, propter peccandi impunitatem, ad hostiarum cædes conferendi, conuiuaque & festa, & ebrietates consecrandi,) discedite inquam, & religionem specie simulata colite, conferte vosmet ad voluptatem & intemperantiam explendam: victimas immolate per fucum & fallaciam, vestris denique ipsorum libidinibus inferuite. Nihil enim quod bonum est animo tenetis, ne primum quidem præceptum Dei optimi maximi, qui & hominum generi normam viuendi præscribit, & vitam eorum gubernandi filio concredit potestatem, vt qui recte moderateque vitam præsentem instituerint, ex filij sui sententia ac iudicio, altera vita beata & felici possintur.

*De Domini in carne aduentu, quis &
quas ob res extiterit.*

C A P V T XI.

ATque ipse equidem Dei decretum de hominum vita initienda sanctum, non ignoratione, vt multi, neque cōiectura nixus, persequi aggressus sum. At vt ad propositum redeamus, dixerit forsitan quispiam, vnde filij appellatio, quis eius gignendi modus? Siquidem solus unus Deus est, idemque ab omni admitione sciunctus.

R r 4 Verum

CONSTANTINI ORATIO

Verum intelligendum est, duplicum esse gignendi rationem, alteram ex partu, quae satis nota est, alteram ex causa sempiterna, cuius rationem Dei perspicit prudentia, eademque hominibus illi charis suppetit. Sapiens enim dispensationis, quae in rebus vniuersis cernitur causam cognoscet. Cum igitur nihil sine causa existat, causam res ipsas antegredi necesse est. Accum mundus sit, & quae in eo continentur, etiam existant, cumque eorum conseruatione constet, fieri non potest, quinis qui eadem conseruat, ante necessariò existent: adeo ut & Christus conseruationis author sit, & conseruatio ipsa, ut res sint, efficiat. Sicut pater filij causa est, sic filius ex causa illa genitus, quem quidem ante omnia extitisse, satis est iam demonstratum. At quomodo ad homines in terram descendit? hoc plane erat ab illo sponte propterea institutum, quia (sicut prophetæ antea prædixerant) generatim omnium curam habebat. Nam necesse est opifici, opera sua curæ esse. Cù autem esset in mundo corpus suscepimus, inquit; terra (istud enim humanæ salutis poscebat necessitas) non paruo temporis spatio commoraturus, alienam quandam à communi hominum natura nascendi rationem sibi excogitauit. Nam absque nuptiis est facta conceptio, castæ virginis partus, & Dei mater virgo, æternæ naturæ iam principium in tempore sumptum, essentia, quæ mente sola percipitur, à sensibus compræhensa, & splendor ille, qui corporis expers fuit, cum materia permixtus. Cætera etiam, quae in hoc mirabili viso extiterunt, sunt iis consentanea, quae quidem insignis illa columba, ex arca Noe euolans, in quo virginis sinu tandem confidens, præsignificauit. Alia præterea eiusdem generis, quae hymenæum illum incompræhensibilem, omni castitate integriorem, ipsaque continentia præstabiliorum sequebantur, sapientia Dei ab ipsis incunabulis admirabili quadam dispensatione effecit. Eum etiam Iordanis fluuius, qui lauacium baptismatis ei largitus fuerat, reuerenter coluit. Huc accessit regalis vnetio, quae est cum omnium mente quasi cognatione coniuncta. Doctrina item & virtus, quae res admirabiles obiit, quæque morbos curauit insanabiles. Earum verò rerum, quas homines ab eo precebus contendebant, celeris & parata expeditio, omnino vniuersa eius vita ad hominum utilitatem relata,

relata. Disciplinam porro tradidit, quæ non prudentia im-
buit, sed sapientia discipulos: quò non virtutes illas, quæ
ciuiles dicuntur, sed vias, quæ recta ad eum mundum, quem
sola percipit intelligentia deducunt, perdiscerent: illudque
rerum genus, quod semper vno eodemq; modo se habet, at-
tentâ animi cogitatione peruestigare laboraré, & diuinam
summæ mentis notionem mente assiduè recolerent. Iam ve-
rò beneficia, non mediocria illa quidem, nobis delata, pro-
cæcitate visus, pro virium defectione, bona corporis habi-
tudo, pro morte, ad vitam denuo restitutio, prætereo copio-
sam illam rerum ad viatum necessariarum in solitudine sup-
peditationem, variam in paucis esculentis ingenti multitu-
dini ad longum temporis spaciū affluentiam.

*De iis qui mysterium non intellexerunt, & quod vo-
lentes illud ignorarunt, tum quanta eos expectent,
qui id cognoverunt, præmia, illos in primis qui pro-
pter confessionem, vitam martyrio consummarunt.*

CAPVT XII.

HAnc tibi gratiarum actionē pro virili offerimus Chri-
ste, Deus & seruator, summi patris summa prouiden-
tia, qui & cè malis nos eximis, & doctrina instruis lon-
gè sanctissima, neque ista dico, vt te laudem, sed vt gratias
agam. Quis enim mortaliū te satis pro dignitate prædica-
re poterit? Nam constat te ex nihilo res, quæ sunt, procre-
asse, te lucem illis attulisse, te confusam elementorū molem
ordine disposuisse, & modo, tuam singularem clementiam
effecisse, vt homines qui probo sint & liberali ingenio, vi-
tam beatam studiose consecentur, videantque diligenter,
vt cum rerum plane bonarum quasi mercaturam ipsi exer-
ceant, de sua sapientia, & prospera fortuna aliquid imper-
tiant quam plurimis, intemperantiaque liberati, benignita-
tisq; facti participes, sempiternum virtutis fructum perci-
piant, commiserationem statuant ante oculos, fidei promis-
sum pro certo expectent, verecundiam amplectantur, & vir-
tutem cuiusque generis, quam communis hominum vita &
consuetudo antehac ei, qui omnium suscipit prouidétiam,
attribuit. Nemo enim satis idoneus repertus est medicus,

Rr 5 qui